

**Uunga siunnersuut: Nukissiornermi ikummatissat avatangiisinut akitsuutaat pillugit  
Inatsisartut inatsisissat**

*Aningaasaqarnermut Naalakkersuisumit saqqummiunneqartoq*

**pillugu**

**Akilerartarnermut Akitsuusiisarnermullu Ataatsimiititaliap**

**ILASSUTAASUMIK ISUMALIUTISSIISSUTAA**

**Siunnersuutip pingajussaaneerpeqarnerani saqqummiunneqartoq**

Ataatsimiititaliaq suliarinninnermini ukuninnga ilaasortaqqarpoq:

Inatsisartunut ilaasortaqq Niels Thomsen, Demokraatit, siulittaasoq

Inatsisartunut ilaasortaqq Harald Bianco, Inuit Ataqtigiiit

Inatsisartunut ilaasortaqq Naaja Nathanielsen, Inuit Ataqtigiiit

Inatsisartunut ilaasortaqq Karl Lyberth, Siumut

Inatsisartunut ilaasortaqq Aleqa Hammond, Siumut

**Ataatsimiititaliap suliarinninneranut tunuliaqut**

Polaroilip annaasaqaatigisassaattut ilimagineqartut siunnersuummi annertunerusumik tunngaviusut qanoq naatsorsorneqarsimanerat pillugu paasissutissavinnik pissarsinissamik kissaateqarnek tunngavigalugu siunnersuutip pingajussaaneerpeqannginnerani ataatsimiititaliamut innersuunneqaqqinnissa aappassaaneerinninnermi kissaatigineqarpoq. Ataatsimiititaliaq aammattaaq kajumissaarneqarpoq kalaallit aalisariutaasa 200 brt. qaangerlugu angissusillit suli ikummatissanut akitsuummik akiliisarnissaat siunertaralugu allannguutissatut siunnersuuteqarsinnaaneq isumaliutigeqqullugu.

**Ataatsimiititaliap siunnersuummik suliarinninnera**

Aappassaaneerinninnermi kissaatigineqartoq tunngavigalugu Ataatsimiititaliap Aningaasaqarnermut Naalakkersuisoq apersorpaa, taannalu tassunga tunngatillugu aalajangiinissamat tunngavissanik annertunerusunik paasissutissiivoq. Tassunga atatillugu Ataatsimiititaliap malugaa paasissutissat missingersuinernik annertuumik tunngaveqarnerusut, malittarisassallu atuuttut ukiup affaa ataallugu pisoqaatigineri tamassumunnga pissutaanerusoq.

Mianersortumik periuseqartarnek tunngavigalugu Polaroilip annaasaqarnissaata inatsisissatut siunnersuummi pinngitsoortinniarnearnera Ataatsimiititaliap tunngaviatigut paasisinnaavaa. Taamaammatt paasissutissat saqqummiunneqartut tunngavigalugit Naalakkersuisut siunnersuutaannut allannguutissamik siunnersuummik saqqummiussinissamik Ataatsimiititaliaq tunngavissaqanngilaq. Ataatsimiititaliilli ilimagaa Naalakkersuisut immikkoortoq eqqumaffigilluassagaat, taamaalilluni paasissutissanik erseqqarinnerusunik tunngaveqarluni siunissami inatsisiliorsinnaaneq ilusilersorneqarniassamat.

**Ataatsimiititaliap inassuteqaataa**

Akilerartarnermut Akitsuusiisarnermullu Ataatsimiititaliap **isumaqatigiittup** qulaani oqaaseqaatigineqartut tunngavigalugit inassuteqaatigaaa siunnersuut Naalakkersuisunit saqqummiunneqartoq **akuersissutigineqassasoq.**

Taamatut oqaaseqaateqarluni siunnersuut ataatsimiititaliap pingajussaaniigassanngortippaa.

Niels Thomsen, Siulittaasoq

Harald Bianco

Naaja Nathanielsen

Karl Lyberth

Aleqa Hammond